



KOALICIJA ZA BORBU PROTIV GOVORA MRŽNJE I ZLOČINA IZ MRŽNJE
КОАЛИЦИЈА ЗА БОРБУ ПРОТИВ ГОВОРА МРЖЊЕ И ЗЛОЧИНА ИЗ МРЖЊЕ
COALITION FOR COMBAT AGAINST HATE SPEECH AND HATE CRIME

Komisija za zaštitu ljudska prava i sloboda Predstavničkog doma Parlamenta Federacije BiH

Nr sekretarke Komisije Lucije Vujice-Novaković
Nr predsjedavajućeg Komisije Muniba Jusufovića

Fax: +387 33 445-390

[dopis sadrži ukupno 9 stranica]

08.06.2015.

Dopis broj: I-136/15

PREDMET: Prijedlog za odrzavanje tematske sjednice Komisije za zaštitu ljudskih prava i sloboda Predstavničkog doma Parlamenta Federacije BiH

Poštovani_a,

Kontaktiramo Vas ispred Koalicije za borbu protiv govora mržnje i zločina iz mržnje, uspostavljene sa ciljem zagovaranja za adekvatnu zakonsku regulaciju krivičnih djela počinjenih iz mržnje i govora mržnje u krivičnim zakonima u Bosni i Hercegovini. Sigurni smo da ste već upoznati da se izmjene i dopune Krivičnog zakona FBiH kojima bi se adekvatno regulisala i sankcionisala krivična djela počinjena iz mržnje čekaju od 2010. godine, te da su u 2013. i 2014. godini ove izmjene razmatrane u Parlamentu Federacije BiH, te da su oba puta usvojene na Predstavničkom domu. 2013. godine Dom naroda Parlamenta FBiH nije usvojio ove izmjene i dopune, a 2014. nije sazvana sjednica na kojoj bi se o njima odlučivalo.

Smatramo da je i u 2015. godini neophodno ponovo inicirati izmjene i dopune Krivičnog zakona Federacije BiH, te da je krajnje vrijeme da i Federacija BiH adekvatno reguliše krivična djela počinjena iz mržnje, što je već 2010. godine učinjeno u Brčko distriktu i Republici Srpskoj.

Da bi proces izmjena i dopuna Krivičnog zakona Federacije BiH bio što transparentniji i da bi se njime što adekvatnije regulisala ova veoma aktuelna oblast, Koalicija za borbu protiv govora mržnje i zločina iz mržnje predlaže održavanje tematske sjednicu Komisije za zaštitu ljudskih prava i sloboda Predstavničkog doma Parlamenta Federacije BiH o adekvatnom regulisanju krivičnih djela počinjenih iz mržnje Krivičnim zakonom Federacije BiH.

Ovakva sjednica od neizmjerne je važnosti i značaja za suzbijanje krivičnih djela počinjenih iz mržnje, te predlažemo da se okupe sve relevantne institucije i organizacije uključene u proces

iniciranja izmjena i dopuna Krivičnog zakona FBiH u cilju adekvatne regulacije krivičnih djela počinjenih iz mržnje i harmonizacije krivičnih zakona entiteta i Brčko distrikta BiH, kao što su parlamentarci i parlamentarke, ministar i stručni savjetnici_ca Ministarstva pravde federacije BiH, predstavnici_ca OSCE-a i Koalicije za borbu protiv govora mržnje i zločina iz mržnje.

Na osnovu rasprave i zaključaka na ovoj sjednici i iskustva i prijedloga koji će svakako biti prezentovani od strane svih prisutnih organizacija nesumnjivo će se moći pronaći i najbolje moguće rješenje izmjena i dopuna Krivičnog zakona Federacije BiH, te definisati neophodne buduće mjere adekvatne implementacije ovih rješenja i borbe za suzbijanje krivičnih djela počinjenih iz mržnje kao što su:

1. obaveza ministarstva pravde da ocjeni prijedloge amandmana relevantnih institucija i organizacija na Krivični zakon Federacije BiH kojima se regulišu krivična djela počinjena iz mržnje i na osnovu njih izrada sveobuhvatnog prijedloga;
2. uspostavljanje saradnju između Federalnog ministarstva unutrašnjih poslova sa civilnim društvom na izradi modula u okviru nastavnog plana policijske akademije FBiH u cilju adekvatnog suzbijanja i procesuiranja krivičnih djela počinjenih iz mržnje i
3. neophodnost uključivanja ovakve obuke u program permanentne obuke policajaca i policajki kantonalnih ministarstava unutrašnjih poslova koje bi u cilju njene harmonizacije i jednake provedbe koordinisalo Federalno ministarstvo unutrašnjih poslova.

Pored prethodnog prijedloga, željeli smo Vam ispred naše Koalicije uputiti na razmatranje i prijedlog amandmana na Krivični zakon Federacije BiH, kojima se govor mržnje i zločin iz mržnje definišu na sličan način kako je to učinjeno u *Krivičnom zakonu Republike Srpske i Krivičnom zakonu Brčko distrikta*. Već spomenuti prijedlog amandmana na Krivični zakon FBiH uz obrazloženja pojedinačnih članova i razloge za predlaganje ovakvih izmjena i dopuna Krivičnog zakona FBiH dostavljamo Vam u prilogu ovog dopisa.

Nadamo se da ćete uzeti u obzir naše prijedloge, te želimo naglasiti da smo Vam na raspolaganju ukoliko Vam budu potrebne bilo kakve dodatne informacije ili podaci, a ukoliko nas želite kontaktirati, molimo Vas da kontaktirate Vladanu Vasić na broj 065/358-006, e-mail vladana@soc.ba ili fax broj: +387 (0)33 551-002.

Lijep pozdrav,

Vladana Vasić,

Koordinatorica programa Sarajevskog otvorenog centra u ime članica Koalicije za borbu protiv govora mržnje i zločina iz mržnje koju čine:

Asocijacija za demokratske inicijative

Centar za mlade KVART

Civil Rights Defenders

Fondacija CURE

Fondacija Mediacentar Sarajevo

Fondacija Istina, Pravda, Pomirenje

Inicijativa mladih za ljudska prava Bosne i Hercegovine

Otaharin

Omladinska novinska asocijacija u BiH (ONA)

Sarajevski otvoreni centar

Udruženje BH novinari

Vijeće za štampu BiH